

CANORTA TGIMIROLA: sa parager sen Nadal

Plascheirs d'avent

comm./mc Er ainten la canorta sa paregian igls unfants ansemen cun lour accumpnederas sen Nadal. Communablamaintg creeschan els en bel taimp d'avent.

Sa parager sen Nadal è ensatge digl pi bel per igls unfants. Chel plascheir vign er partia ainten la canorta. Igl team, cun la manadra Pastrizia Plaz ògia bleras bungas ideias.

Zambarger, canzungs ed istorgias

Cun antrar an la canorta vasainsa gio las ampremas steilas, plantas ed igls Son Niclos zambargeas. Els ans saleidan giu dallas pa-reis e giu dalla sporta dalla stgela. Igls unfants zambregian pero betg angal per sasez e per la canorta -els zambregian er schintgetgs per igls sies tgers. Pero psst... dapple tradignous betg. Tranteraint dovrant pitschens artists pero er ena pôssa. Alloura gioldan els da tadlar belas istorgias da Nadal u da cantar canzungs d'avent.

Viseta da Son Niclo

Tge fiss en taimp d'avent sainza viseta da Son Niclo... Perchegl on igls unfants, varsa-quants genitours e las collaboratouras sa tratg aint bagn ed èn ias igls 3 da december an direczium da La Nars. Perchegl tgi savevan, tgi Son Niclo niss a far viseta. Ed els levan eir ad ancunter ad el anseml. E propa, bagnbod igl onigl diglia. Ansemen cun Son Niclo èn tots turnos anavos an la canorta, noua tgi el ò ligia or da sies codesch. Scu angraztg on igls unfants canto e detg en verset per Son Niclo. Alla fegn finala ègl do punsch e bunga turta per tots.

Cuschigna

Er ainten cuschigna è rivo igl taimp d'avent. Ansemen cun Teresina Hofer, tgi ramplazzava Anna Bompadre durant sies congedi da maternitat e cun las otras manadras on igls unfants fatg mommas e puppots. Igl furmarò fatg prest tant plascheir scu igl magler...



Er son Niclo è fatg visita agls unfants dalla Canorta Tgimirola.

Rico Arpagaus, igl manader da Wasescha Sport ò do ancunaschaint tgi alla staziun dala soptgera ins survigna er chest onn en bung sarvetsch cun artetgels da sport d'anviers. Seia chegl cun piglier a tschains u er cun igl service tgi ins offerescha er giu lò. Daspers igl affar principal sen vischnanca.

Enrico Uffer ò infurmo igls preschaints sur digl project digl hotel a Grava tgi vess dad es-ser pront per igl 2020. Da chel vainsa rappor-to da curt.

Anavant Surses è ena organisaziun turistica tgi duess ramplazzar Savognin Turissem an Surses (STIS). Ella è eida da curt ainten la fa-sa operativa e duess esser ena plattaforma per tots. Ella duess dar impuls e rimnar ideias. Turisticas ed otras. President da chella organisaziun è Luzi Thomann. El ò preschen-to l'ideia ed igls sies consuprastants.

Tgi igl Center da Sanadad è ena instituziun fitg impurtanta per la regiun turistica è er sa-musso cotras tgi igl capomedic, Stefano Corra era er preschaint alla Partenza ed el ò infurmo igls preschaints tge sarvetschs tgi igl center porta cun igl sies spital acut, la tgesa d'attempo e la residenza da seniors. Tot an pac-a distanza.

Alla fegn ò igl president da Turissem Savognin Beiva Alvra, Daniel Fischer do ena «vista or di gl luvratori». Vot deir scu tgi igl avigneir resp. las visiuns turisticas sa preschaintan ord vista dalla societat acziunara. Cun el laschiansa suandar all'antschatta digl onn ena intervista.

Puspe la gotta turistica

Sen tals tgi fon bagn la tgossa turistica e chegl zont da maniera exemplarica ins duess sainz'oter mussar cugl det. Chegl ins ò fatg tar Savognin Turissem cun la gotta turistica e fò ossa puspe. Igls giasts on la pusseblada da valutar travagls ed instituziuns turisticas cun lour vousch. Damais èn igls giasts la giuria. Chels decidan er sezs, schi turnan ainten ena destinaziun u betg.

Bunas prestaziuns, ideias innovativas e tgossas plaschevlas duessan esser anim per oters dad imitar e da leir far er els igl migler. Tenor Savognin Turissem è la gotta en bung simbol persiva: ella geida per construeir ensatge ed è da coz. Ella tigna ansemen ensatge scu tgi duess er dar colliaziun ainten ena destina-zion. Ed er chella simbolica vala, tgi chels travagls turistics totgan la gotta sen la testa.

La gotta turistica è neida surdada sonda pas-sada agl rom dalla Partenza. Ella è dotada cum 8750.- fr. tgi vignant repartias sen igls am-prems treis prietschs. Chels èn ias agls suan-donts travagls:

**1. Platz: Cinema Stalla Bivio,
valutaziun 9.98**

**2. Platz: Restaurant Tiglia Radons,
valutaziun 9.94**

3. Platz: Hotel Post Bivio, valutaziun 9.87